

Oesterreich. Landesrecht.

er ist uns und dem richter
seiner hannt schuldig.

Art. 65.

Es ist recht nach lanndes
gewonhait, welch sūn seinen
vater von seiner purg oder
von anderem seinem gūt ver-
stosset oder prennnet oder
raubet oder zu seines vater
veinten sich kert mit aiden
oder trewen, das auf seines
vater er get oder auf sein
verderbnuss, überkūmpt in
des sein vater mit zwain
vnversprochen mannen, dem
sūn sei wider, taillet aigen
und lehen und varundes gūt
und alles des gūts, des er von
vater und von mūter erb solt
sein, ewikleich, also daz im
der richter noch der vater
nicht wider gehelffen mag,
daz er zu demselben gūt
dhain recht nimmer mer ge-
winnen mūg.

Art. 66.

Welch sūn an seines vater
leib ratet oder in freveleich
angreiffet mit wunden oder
mit venknus oder in in ain
pant leit, das venknus hais-
set, wirt er des uberzeuget
vor seinem richter als vor
geschriben ist, derselb sol

Landfrieden von 1235. I.

Art. 15, S. 250.

Swelch sun sinen vater von
sinem eigen oder von sinem
erbe oder von sinem gūt ver-
stozet¹ oder brennet oder
roubet oder wider in ze sinen
vienden swert² mit eiden, daz
uf sins vater ere gat oder uf
sine verderbnusse, beziuget ez
sin vater ze den heiligen vor
dem rihter mit zwein sent-
barn mannen³, der sun sol sin
verteilet eigens und lehens
und varends gūtes und ber-
lichen⁴ alles des gūtes, des er
von vater vnd von mūter er-
ben solde, ewichliche, also
daz im weder rihter noch der
vater wider gehelfen mag,
daz er dehein reht ze dem
gūte gewinnen muge.

Art. 16, S. 250.

Swelch sun an sins vater
lib ratet oder vrevlichen an-
grifet mit w[u]nden oder mit
vanchnusse und⁵ er daz vor
dem rihter beziuget als hier
vor geschriben ist, derselbe
si elos und rehtelos ewichli-
chen, also daz er niemer wi-

1) Text II: Welicher sun sinen vatter von sinen burgen oder von
anderem sinem gut stoset . . . 2) 'oder zu sinen vatter fiende sitzt . . .'
3) 'mit zweien semper mannen, die nieman mit recht verwerfen mag'
4) 'und warlichen . . . 5) 'wirt er des vor sinem richter uberzeuget' u. s. w.